



DEPUTACIÓN PROVINCIAL
A CORUÑA



SECCIÓN DE CULTURA E DEPORTES

Número 109 /2023

CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E O CONSORCIO UNIVERSITARIO DO CENTRO ASOCIADO Á UNED DA CORUÑA POLO QUE SE INSTRUMENTA UNHA SUBVENCIÓN NOMINATIVA PARA O COFINANCIAMENTO DO PROGRAMA DE ACTIVIDADES SOCIAIS E DE DIVULGACIÓN CULTURAL DO ANO 2023.

Na Coruña, a 4 de decembro de 2023

Ante min, Miguel Iglesias Martínez, Secretario Accidental da Deputación Provincial da Coruña, como fedatario actuante

REÚNENSE

Dona Natividad González Rodríguez, en representación da Deputación Provincial da Coruña

Dona Ana Mónica Novo García, en representación do Consorcio Universitario do Centro Asociado á UNED da Coruña,

EXPOÑEN

Primeiro.- Que o Centro Asociado á UNED da Coruña foi creado, de acordo co disposto no Decreto 2310/1972, do 18 de agosto, mediante convenio asinado o 11 de febreiro de 1983, entre a UNED e a Consellería de Educación da Xunta de Galicia, así como os membros do Padroado naquel momento: Deputación Provincial da Coruña, Concello da Coruña, Concello de Culleredo, Concello de Betanzos e Banco de Bilbao.

Posteriormente, á vista do crecemento do Centro Asociado da Coruña, o 22 de outubro de 1996, foi asinado un novo convenio entre a UNED e os membros do Padroado: Deputación Provincial da Coruña, Concello da Coruña e Concello de Ferrol.

Segundo.- Que as disposicións recollidas na Lei 27/2013, de Racionalización e Sostibilidade da Administración Local, na Lei 15/2014, de Racionalización do Sector Público e na Lei 40/2015, de Réxime Xurídico do Sector Público, incidiron moi significativamente na Lei 7/1985, Reguladora das Bases de Réxime Local e no R.Decreto 1317/1995, sobre réxime de convenios da UNED cos Centros Asociados, no senso de facer inexcusable a necesidade da constitución dun consorcio como figura xurídica que dera soporte legal ao Centro Asociado á UNED da Coruña.

O dito RD 1317/1995 establece no seu artigo 2.2.h) que "*Los centros asociados llevarán a cabo las actividades de educación permanente y extensión universitaria y los programas y actividades especiales que apruebe la Junta de Gobierno de la Universidad, procedentes de acuerdos con instituciones públicas.*"

Terceiro.- Que o Consorcio Universitario do Centro Asociado á UNED da Coruña recolle no art. 8 do seu obxecto "colaborar no desenvolvemento cultural da contorna". Neste senso o Consorcio, para o cumprimento dos seus fins, vén desenvolvendo unha oferta cultural aberta, multidisciplinar e que chega aos lugares máis recónditos da nosa xeografía.

Cuarto.- Que a Deputación da Coruña ten entre os seus obxectivos o fomento da educación e a programación e subvención das actividades culturais, artísticas e científicas, en colaboración con outras entidades e organismos, para contribuír de maneira sustentable ao avance do coñecemento e o benestar social.

Quinto.- Que a Deputación da Coruña vén colaborando co Consorcio Universitario do Centro Asociado á UNED da Coruña no financiamento das súas actividades culturais e científicas.

Sexto.- Que a Deputación da Coruña e o Consorcio Universitario do Centro Asociado á UNED da Coruña desexan formalizar a súa colaboración no ámbito da educación, a investigación, a transferencia do coñecemento, as actividades culturais, artísticas e científicas, nun novo convenio que favoreza o entendemento entre as partes e axilice os procesos.

En virtude do exposto, e dando cumprimento á vontade das entidades ás que respectivamente representan, os comparecentes outorgan neste acto o presente Convenio de Colaboración, e acordan formalizar o presente convenio que se rexe polas seguintes

CLÁUSULAS

I.- Obxecto.

O presente convenio ten por obxecto a fixación das bases de outorgamento dunha subvención nominativa por esta Deputación a prol do Consorcio Universitario do Centro Asociado á UNED da Coruña, CIF Q1500424E, fixando as condicións que se impoñen por esta administración concedente e os compromisos asumidos pola entidade beneficiaria para o financiamento parcial do **Programa de actividades sociais e de divulgación cultural do ano 2023**.

II.- Orzamento de gastos da actividade a realizar pola entidade beneficiaria.

Os gastos obxecto do financiamento pola Deputación da Coruña son os seguintes, de acordo co Orzamento presentado polo Centro:

PERSOAL DE ADMINISTRACIÓN E SERVIZOS		397.440,00
GASTOS CORRENTES EN BENS E SERVIZOS		170.880,00
Compras material	15.600,00	
Reparacións, mantemento e conservación	21.000,00	
Material, Suministros e outros	127.680,00	
Gastos dietas e locomoción e indemnizacións por razón de servizo	6.600,00	
TOTAL		568.320,00 €

Este orzamento correspóndese coas actividades que se achegan como anexo ao convenio.

III.- Financiamento provincial e outros ingresos que se obteñan ou acheguen para a mesma finalidade.

1.- A Deputación da Coruña contribuirá ao financiamento da actividade, tal como se define na cláusula primeira, cunha achega máxima de **100.000,00 €** o que representa unha porcentaxe do **17,596 %** do orzamento total.

A cantidade restante, ata acadar o importe total do orzamento da actividade, está financiado con cargo a recursos, propios ou alleos, acreditando a entidade beneficiaria que ten consignado o crédito adecuado e suficiente para imputar a totalidade do gasto imputable á entidade.

No caso de que o gasto xustificado non acadase o importe total previsto na cláusula segunda, a Deputación só achegará o importe que represente o 17,596 %, da cantidade efectivamente xustificada.

2.- Agora ben, se a cantidade xustificada resulta inferior ao 75% do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

3.- O importe do financiamento provincial farase efectivo con cargo á aplicación orzamentaria 0612/3269/42390, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

4.- A subvención da Deputación é compatible coa percepción doutras subvencións ou axudas, públicas ou privadas, que a entidade beneficiaria obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

5.- No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

IV.- Contratación e execución.

1.- O outorgamento dos contratos de servizos, asistencia ou subministracións necesarias para a execución da actividade corresponderalle ao Consorcio Universitario do Centro Asociado á UNED da Coruña, asumindo, xa que logo, as conseguíntes responsabilidades.

Non se poderá contratar a realización de prestacións con persoas ou entidades vinculadas ao Consorcio Universitario do Centro Asociado á UNED da Coruña, nin con calquera outra na que conorra algunha das circunstancias ás que se refire o artigo 29.7 da Lei 38/2003, do 17 de novembro, xeral de subvencións.

2.- Se o importe dalgunha das prestacións supera 15.000 €, con carácter previo á contratación, o Consorcio Universitario do Centro Asociado á UNED da Coruña deberá solicitar polo menos tres orzamentos a distintos provedores; entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente.

V.- Publicidade do financiamento provincial.

1.- Na publicidade pola que se dea a coñecer a realización das actividades do Consorcio Universitario do Centro Asociado á UNED da Coruña, ben sexa por medios escritos, radiofónicos ou televisivos, audiovisuais ou internet, etc. deberase facer constar sempre o financiamento da Deputación Provincial da Coruña.

2.- Coa memoria e conta xustificativa achegaranse documentos que acrediten o cumprimento desta obriga do Consorcio Universitario do Centro Asociado á UNED da Coruña.

VI.- A xustificación necesaria para recibir a achega provincial.

A achega da Deputación seralle abonada ao Consorcio Universitario do Centro Asociado á UNED da Coruña unha vez asinado o convenio e logo que se presente de xeito telemático a través da plataforma subtel, a seguinte documentación:

* **Memoria de actuación**, subscrita polo representante legal do Consorcio Universitario do Centro Asociado á UNED da Coruña, xustificativa do cumprimento das condicións impostas neste convenio, coa indicación das actividades realizadas, dos beneficiarios e dos resultados obtidos.

* **Relación clasificada dos gastos** realizados (con IVE e sen IVE), no que se indiquen os acredores co seu NIF, os documentos xustificativos, os importes e, no seu caso, datas de pago; tamén se indicarán as desviacións con respecto ao orzamento detallado na cláusula segunda.

* **Certificación** da aprobación das facturas e demais documentos xustificativos polo órgano competente.

Os gastos e as correspondentes facturas referiranse exclusivamente ás actividades realizadas durante o ano 2023.

* **Relación** detallada das subvencións ou axudas obtidas doutras administracións públicas ou entidades privadas para o mesmo obxecto ou, pola contra, declaración de non telas.

* **Acreditación** do cumprimento das obrigas tributarias e coa Seguridade Social, segundo o previsto na cláusula oitava.

* **Acreditación** do cumprimento da obriga de facer constar a colaboración da Deputación en toda a información (impresa, informática ou audiovisual) que se teña feito das actividades subvencionadas, establecida na cláusula quinta.

VII. Termo para a realización da actividade e prazo de xustificación.

1.- As actividades que son obxecto de financiamento provincial, tal como están descritas na cláusula primeira, realizaranse entre o 1 de xaneiro e o 31 de decembro de 2023.

2.- Unha vez rematadas as actividades, o Consorcio Universitario do Centro Asociado á UNED da Coruña deberá presentar a xustificación documental á que se refire a cláusula sexta antes do **31 de marzo de 2024**.

3.- De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a unidade xestora remitiralle un requirimento ao Consorcio Universitario do Centro Asociado á UNED da Coruña para que a presente no prazo improrrogable de quince días.

A falla de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá ao Consorcio Universitario do Centro Asociado á UNED da Coruña da sanción que, de conformidade co disposto na Lei de subvencións e na ordenanza provincial de desenvolvemento que resulte aplicable, lle poida corresponder.

4.- O aboamento da subvención materializarase mediante ingreso na conta da entidade financeira indicada polo Consorcio Universitario do Centro Asociado á UNED da Coruña.

VIII.- Acreditación do cumprimento das obrigas tributarias e coa Seguridade Social.

1.- O Consorcio Universitario do Centro Asociado á UNED da Coruña deberá acreditar, con carácter previo á sinatura deste convenio e logo, con carácter previo ao pago da subvención, que se atopa ao día no cumprimento das obrigas tributarias coa Administración do Estado, coa Comunidade Autónoma e coa Seguridade Social; e para tal fin poderá autorizar á Deputación a que obteña telemáticamente os correspondentes certificados.

2.- A acreditación do cumprimento das obrigas tributarias coa Deputación Provincial determinarase de oficio por esta.

IX.- Destino e manexo dos fondos recibidos.

1.- O Consorcio Universitario do Centro Asociado á UNED da Coruña destinará os fondos recibidos ao pagamento dos xustificantes de gasto presentados.

2.- Co fin de garantir un adecuado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor; só excepcionalmente se poderá realizar o pago en metálico para gastos de ata 150 €, nos que non resulte posíbel a utilización dun dos medios anteriormente indicados.

3.- Sen prexuízo dos libros e rexistros contables que as normas xerais ou sectoriais lle poidan impor, o Consorcio Universitario do Centro Asociado á UNED da Coruña deberá contar polo menos cun rexistro cronolóxico de cobros e pagamentos nos que se inclúan, entre outros, os relativos aos gastos xustificados e aos ingresos declarados con respecto a esta subvención.

X.- Control financeiro da Deputación e dos órganos de control externo.

1.- Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de subvencións de Galicia, o Consorcio Universitario do Centro Asociado á UNED da Coruña poderá ser escolleita pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigas formais e materiais que lle impón o presente convenio de colaboración.

2.- Asemade, de acordo co previsto na Lei 6/1985, de 24 de xuño, do Consello de Contas de Galicia, o Consorcio Universitario do Centro Asociado á UNED da Coruña queda sometida aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de enxuzamento contable que poida incoar o Tribunal de Contas, e a calquera outro órgano de control, nacional ou europeo.

XI.- Reintegro, infraccións e sancións.

1.- O incumprimento dalgunha das cláusulas previstas no presente convenio de colaboración poderá dar lugar a obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciárase de oficio, na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2.- Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na ordenanza provincial de desenvolvemento que resulte aplicable.

3.- Para os supostos de retraso na realización das actividades ou retraso na presentación da xustificación se estará ao disposto na ordenanza provincial de desenvolvemento que resulte aplicable,.

XII.- Incorporación ao rexistro público de subvencións e publicación da subvención concedida.

1.- En cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación do Consorcio Universitario do Centro Asociado á UNED da Coruña serán remitidos á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto e co debido respecto á protección dos datos de carácter persoal, segundo o previsto na Lei orgánica 3/2018, do 5 de decembro, de Protección de Datos Persoais e garantía dos dereitos dixitais.

2.- Asemade, en cumprimento do disposto no artigo 16.3 da Lei 9/2007, de 13 de xuño, de subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao rexistro público de axudas, subvencións e convenios da Comunidade Autónoma de Galicia.

3.- Segundo o previsto no artigo 18 da Lei 38/2003, de 17 de novembro, xeral de subvencións, a concesión da subvención ao Consorcio Universitario do Centro Asociado á UNED da Coruña será publicada no Boletín Oficial da Provincia da Coruña e na páxina web dacoruna.gal

4.- Un exemplar deste convenio, debidamente asinado, será incorporado ao rexistro de convenios que depende do Servizo de Patrimonio e Contratación da Deputación.

XIII.- Vixencia do convenio, prórroga ou modificación.

1.- O prazo de vixencia do presente convenio finalizará o **31 de maio de 2024** e terá efectos retroactivos, polo que as actividades contempladas nel poderán terse realizadas dende o 1 de xaneiro de 2023.

Esta vixencia queda subordinada á existencia do crédito adecuado e suficiente que para o Exercicio de 2024, autorice o correspondente Orzamento.

2.- Previa solicitude do Consorcio Universitario do Centro Asociado á UNED da Coruña, realizada alomenos un mes antes do fin da vixencia, o convenio poderá ser prorrogado por acordo expreso de ambas as dúas partes, e previos os informes preceptivos da Unidade Xestora, do Servizo de Patrimonio e Contratación, da Secretaría e da Intervención da Deputación.

3.- Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

XIV.- Natureza, interpretación, modificación e xurisdición competente.

1.- O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de

subvencións, e na Lei 9/2007, de 13 de xuño, de subvencións de Galicia. Supletoriamente aplicarase a lexislación de contratos do sector público.

2.- A interpretación das dúbidas e lagoas que poidan xurdir na aplicación do presente convenio corresponderalle ao Presidente da Deputación, logo dos informes previos preceptivos da Unidade xestora, da Secretaría e da Intervención provincial.

3.- Corresponderalle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado por acordo número 6 en sesión plenaria celebrada o 24 de novembro de 2023.

E en proba de conformidade asinan en exemplar duplicado o presente convenio no lugar e data indicados no encabezamento.

**A REPRESENTANTE DA DEPUTACIÓN
PROVINCIAL DA CORUÑA**

**A REPRESENTANTE DO CONSORCIO
UNIVERSITARIO DO CENTRO ASOCIADO Á
UNED DA CORUÑA**

Asdo.: Natividad de Jesús González Rodríguez

Asdo.: Ana Mónica Novo García

**O SECRETARIO ACCIDENTAL
DA DEPUTACIÓN PROVINCIAL DA CORUÑA**

Asdo.: Miguel Iglesias Martínez

ANEXO.- ACTIVIDADES INCLUIDAS NO ORZAMENTO DE GASTOS

Actividade

Microsoft Access. Nivel básico
Intervención Social con las Personas Sin Hogar
Iniciación a la Mediación. Teoría y Práctica
Mediación en el Ambito Civil, Mercantil y Familiar
Microsoft Excel y hojas de cálculo. Nivel básico
Microsoft Power Point y software para presentaciones. Nivel básico
Prevención y tratamiento de la depresión y conductas suicidas
La perdida auditiva en la infancia: del diagnóstico a la intervención
Alemán: Iniciación A1.1
Français: une première approche de la langue et de la culture francophone
Pensando con Hannah Arendt los feminismos contemporáneos
La conducción de vehículos a motor: Infracciones penales en materia de Seguridad Vial
Mediación en el Ámbito Educativo
Microsoft Access y bases de datos. Nivel básico
Fomento de la lectura en educación infantil mediante juegos de mesa
Cálculo a tope. Refuerzo antes del examen
Jornada de Bienvenida al alumnado: cómo aprovechar los recursos que te ofrecemos desde nuestro Centro
Webinar: "Conocimiento de las TIC para la acción tutorial en la UNED
Intervención Social con las Personas Sin Hogar (2ª parte)
Justicia Restaurativa. Mediación en los ámbitos Penal y Comunitario. Prácticas Restaurativas
Microsoft Word y procesadores de texto. Nivel básico (2ª Edición)
Mediación Penal y Comunitaria.
Relación de literatura y demás artes: recursos para docentes de educación infantil y primaria
Introducción al idioma polaco 2023
Termas romanas y otros espacios de baño. Introducción y desarrollo en Gallaecia
Taller intensivo de iniciación a la lengua china
El priscilianismo y sus enemigos: Disidencia religiosa y poder político en el Occidente tardoantiguo
La Bella Italia
Aproximación al daño cerebral adquirido y su rehabilitación
Cuidados Paliativos, el sentido y la sensibilidad
Guía práctica para elaborar y presentar un TFG: la escritura académica en un entorno digital
La Transformación de las ciudades
¿Cómo podemos mejorar la vida de una persona con Esclerosis Múltiple?
Semana de la Administración
Un viaje en el tiempo. 355.000 años atrás, en la ciudad de A Coruña. El proyecto A Coruña eterna. A Coruña, Historia Visual I
Ius Puniendi. Historia del delito y las penas en España antes de la codificación
Guía práctica para elaborar y presentar un TFG: la escritura académica en un entorno digital (6ª edición)
Derechos de los Consumidores en la era digital, ciberseguridad y nuevos retos ante la revolución tecnológica
Microsoft Excel y hojas de cálculo. Nivel básico (2ª Edición)
Programas de intervención para cuidadores familiares de personas en situación de dependencia
Álgebra intensiva. Refuerzo para preparar los exámenes
Introducción al análisis estadístico en Ciencias Sociales con SPSS
Pensamiento crítico: Análisis de argumentos
Promoción de estilos de vida saludables en la infancia y la adolescencia
Soporte vital básico y primeros auxilios
El policía como autor o víctima del delito
Microsoft Excel. Nivel básico
La agresividad en la familia y en la escuela. Pautas de intervención
Visita cultural a la comarca de Bergantiños
Prácticas de Mediación (curso 2022-23)
«Microsoft Power Point y software para presentaciones. Nivel básico (2ª Edición)
Diseña tu plan personal ante los exámenes: recursos y estrategias para el éxito
Agua limpia. Prevención de enfermedades transmitidas a través del agua
Álbum ilustrado y animación a la lectura
Taller intensivo de introducción al protocolo chino, la cultural empresarial de China y las diferencias culturales con China
Historia de Roma
El humanismo penitenciario español: del coronel Montesinos a los módulos de respeto

Aspectos prácticos de la ejecución de penal y medidas de seguridad en el sistema penitenciario español
 Microsoft Excel. Nivel intermedio
 Ciclo de conferencias: "A Coruña en un recorrido diferente"
 Una taxonomía del pensamiento liberal, desde los orígenes a nuestros días
 España y Francia ante la historia
 Álbum ilustrado y animación a la lectura
 Introducción a la Física. 4 Fuerzas
 Microsoft PowerPoint y software libre para presentaciones. Nivel básico
 Bases de datos en Open Office y Libre Office: Base
 Espacios comunes en educación infantil
 Visita cultural - Castros das Barreiras y Borneiro y Penedos de Pasarela e Traba
 Arte en/Clave de derechos
 «Microsoft Access y bases de datos. Nivel básico (2ª Edición)
 Taller: Nuevas plataformas TIC UNED, curso 2022/2023 (Estudiantes) (1ª Edición - Horario de tarde)
 Taller: Nuevas plataformas TIC UNED, curso 2022/2023 (Tutores) (1ª Edición)
 Taller: Nuevas plataformas TIC UNED, curso 2022/2023 (Estudiantes) (1ª Edición-Horario de mañana)
 Conoce a tus representantes: bienvenida y presentación de la Delegación de Estudiantes del Centro UNED A Coruña (curso 2022-23)
 Webinar: "Conoce tu biblioteca"
 Webinar: "Cómo manejar las plataformas y TIC de la UNED (curso 2022-23) 3ª Edición"
 Ganancias ilícitas y Derecho Penal
 El Derecho sucesorio gallego
 Seguridad en internet y redes sociales (Curso 2022-23)
 UNED EN A CORUÑA. Ciclo de conferencias. Mujeres: ciencia y cultura
 Taller: Nuevas plataformas TIC UNED, curso 2022/2023 (PAS) (1ª Edición)
 Taller: Nuevas plataformas TIC UNED, curso 2022/2023 (Estudiantes) (2ª Edición)
 Taller: Nuevas plataformas TIC UNED, curso 2022/2023 (Estudiantes) (3ª Edición)
 Taller: Nuevas plataformas TIC UNED, curso 2022/2023 (Estudiantes) (4ª Edición)
 Jornada de Bienvenida al alumnado: cómo aprovechar los recursos que te ofrecemos desde nuestro Centro
 Jornada de Bienvenida al alumnado: presentación de los servicios del centro asociado (curso 2022-23)
 Webinar: "Conoce los recursos que te ofrece nuestro Career Services (Servicio de Empleo y Emprendimiento)"
 Webinar: "Descubre tus oportunidades profesionales"
 64x50: la UNED contra Rey Enigma y Sabrina Vega
 Webinar: "Cómo manejar las plataformas y TIC de la UNED 4ª Edición"
 Webinar: "Cómo manejar las plataformas y TIC de la UNED 5ª Edición"
 Webinar: "Cómo manejar las plataformas y TIC de la UNED 6ª Edición"
 Webinar: "Cómo manejar las plataformas y TIC de la UNED 7ª Edición"
 Jornada de Bienvenida al alumnado: cómo aprovechar los recursos que te ofrecemos desde nuestro Centro
 Webinar: "Orientación para el éxito en el estudio a distancia en la UNED"
 Webinar: "Cómo planificar tus estudios en la UNED"
 Historia y cultura de la conquista de América Batallas que marcaron a España
 Webinar: "Conoce los recursos que te ofrece nuestro Career Services (Servicio de Empleo y Emprendimiento)"
 Microsoft Word y procesadores de texto. Nivel básico (1ª Edición)
 Taller: Nuevas plataformas TIC UNED, curso 2022/2023 (Estudiantes) (5ª Edición)
 Jornada de Bienvenida al profesorado-tutor del Centro UNED A Coruña
 Arte e memoria democrática
 Français: approche à la Langue et à la Culture Francophone (2ª edición)
 Webinar: "¿Qué es una PEC? La evaluación continua en la UNED"
 Webinar: "Descubre tus oportunidades profesionales"
 Jornadas Museo del Vino de Galicia: Avances en la investigación de la llegada del vino a Galicia
 Visita guiada al Museo del Vino de Galicia
 III Ciclo de Conferencias "Memoria Democrática, a debate": TRANSICIÓN. DENTRO Y FUERA DE LA DICTADURA
 Conferencia «O control externo do sector público».
 La Ley y los delitos sexuales